

讀史方輿紀要

辛丑仲秋

安師題簽

山東方輿紀要序

山東之於京師犬牙相錯也語其形勝則不及雍梁之險阻語其封域則不及荆揚之曠衍然而能爲京師患者莫如山東何者積貯天下之大命也漕渠中貫於山東江淮四百萬粟皆取道焉繇徐沛北境以接於滄景之南幾八百里而南旺分南北之流高下懸絕於是相地置閘隨時啟閉以爲輓輸之助脫有不逞之徒乘間竊發八百里中丸泥可以塞也蟻孔可爲災也吾虞南北咽喉忽焉而中斷耳或者曰漕舟必出於山東故山東能爲京師患者修元人海運之制風帆頃刻竟抵京師則山東必無能爲害矣曰山東不濱海爲國乎自濱州霑利之間取途勃海竟指天津不過五百餘里繇登萊而指旅順口亦不過五百里天津河漕海運之道所輳集也登萊旅順間又海運之途所必經也脫有狡獪之徒憑依島嶼遼碣以南滄瀛以東所在蠶起海運其能以無阻乎然則將奈何曰山東者馭之得其道則吾唇齒之助也失其理則肘腋之患也吾嘗俯仰古今而知能爲幽燕患者必於山東周錫齊侯之履曰東至於海西至於河南至於穆陵北至於無棣故山東之國齊爲最強桓公北伐山戎刺令支斬孤竹皆在燕之東境是時燕弱小傳曰齊謀山戎以其病燕也蓋齊之於燕直卯而翼之矣魯昭公七年齊侯伐燕盟於濡上是時齊景公之世燕人猶且納女歸賂於齊誠畏之也戰國時齊燕有不兩立之勢子噲之亂齊宣以五都之兵伐之五旬而遂舉燕燕昭王以樂毅爲將合秦趙韓魏之師而後能雪恥於齊旣而田單復定齊地燕武成王七年田單伐燕拔中陽燕人不敢報也是何也齊之於燕

也壤相錯也非有過都歷國之艱涉山逾河之阻也天下之勝勢不在秦必在齊在齊則必起而爭燕起而爭燕道博濟向滄瀛不出十日戰於燕之城外矣觀於元之末季田豐毛貴不過烏合之徒一旦竊據青齊遂能北趣河間踰直沽破薊州略柳林直逼元都當此時江淮以南元人不遑復問矣太祖命將取元都亦先下山東會師於東昌臨清之境然後下德州克長蘆逾直沽舟師步騎夾河而向元都元人不且宵遁哉然則山東其形勢之會乎是又不然吾嘗慨夫齊之田氏席霸國之餘業不能於縱橫之日發憤爲雄及五國旣滅王賁東下遂束手而臣妾於秦也楚漢之間田儋榮橫非無傑出之材而皆奔亡不暇漢高感東西秦之說分王庶孽授子肥以七十餘城無能殄呂氏之禍也張步董憲倔強於臨淄東海曾不足當光武之驅除劉岱擅有全兗乃竟敗沒於黃巾曹操以兗州始事而功集於許鄴則可謂卓卓者歟至於曹魏段龕辟閭渾之屬類皆齷齪庸才宜不足以自保慕容德撫有廣固亦再世而亡耳宋人經營於礪礪滑臺究不足以固三齊隋末徐圓朗盜有兗州不旋踵而敗唐之中葉淄青叛命藉河北淮西相爲影響及形援旣弱卒以滅宗朱瑾朱瑄王全範不能以鄆兗淄青之甲抗朱溫之鋒也所以然者豈不以山東之地褊淺迫狹雖西峙泰山曾無重岡複嶺之限東環大海亦無奧突險固之都邢趙扼其項而淮泗倚其足哉是故卻至入而邱輿馬陘皆爲坦途樂毅至而卽墨莒城危於累卵韓信旣破歷下以開基耿弇復攻祝阿而發跡南入穆陵慕容遂爲俘囚東踰汶上益都之亡也忽諸謂欲以一隅之守當四面之師吾知其必無幸矣然則山東固不足慮乎曰唐末王僊芝起

於濮州黃巢起於宛句初不過聚饑寒轉死之民爲縱橫竊掠之計馴至流毒天下卒傾唐祚何爲其不足慮也然則用山東者宜如何曰以自守則易弱以亡以攻人則足以自強而集事齊桓公南征北伐用霸諸侯孝公以後齊僅爲自守之國是以終春秋之世累代聽命於晉幾夷於魯衛斯不亦用齊之明效大驗耶

讀史方輿紀要卷三十

常熟顧祖禹景范輯著

山東一

禹貢海岱惟青州周禮職方正東曰青州土居少陽其色爲青春秋時齊地其在天文虛危則齊分野亦兼魯衛之疆今

山以南兗州府至沂州之境禹貢徐州地也春秋時屬魯天文奎婁分野濟河以北東昌府及兗州府之西境濟南府之北境禹貢兗州地也春秋時屬衛於戰國兼得魏宋齊趙之郊衛分野見河南封域秦并天下置齊郡東郡薛郡琅邪及遼東等郡漢置十三州此亦爲青州及兗州地詳見州域形勢下倣此後漢因之魏晉亦置

青兗二州永嘉以後陷於石勒及慕容皝後又入於苻堅堅敗歸於晉晉置幽州於廣固以辟幽州爲刺史尋復爲慕容德所據

義熙六年劉裕克南燕復置青州及兗州劉宋時兼置冀州治歷城其後入於後魏魏亡屬高齊齊爲後周所并

其分析不可得而詳也隋亦置十三部而不詳所統唐貞觀初分天下爲十道河濟以南屬河南道以北屬河

北道宋初隸京東路及河北路後又增置京東西路曹鄆諸州屬京東西路金人分山東東路及山東西路東路理益都西路理東平

元亦置益都濟南等路直隸中書省謂之腹裏明初置山東等處承宣布政使司領府六屬州十五縣八十九總爲里六

千四百有奇夏秋二稅約二百八十五萬九百五十三石有奇而衛所參列其間今仍爲山東布政使司

濟南府屬州四縣二十六

濟南府屬州四縣二十六

歷城縣附郭章邱縣鄒平縣淄川縣長山縣新城縣齊河縣齊東縣

濟陽縣禹城縣臨邑縣長清縣肥城縣青城縣陵縣

讀史方輿紀要卷三十 山東一

泰安州 屬縣二

新泰縣 萊蕪縣

德州 屬縣二

德平縣 平原縣

武定州 屬縣四

陽信縣 海豐縣 樂陵縣 商河縣

濱州 屬縣三

利津縣 霑化縣 蒲臺縣

兗州府 屬州四 縣二十三

磁陽縣 附郭 曲阜縣 甯陽縣 鄒縣 泗水縣 滕縣 嶧縣 金鄉縣

魚臺縣 單縣 城武縣

濟甯州 屬縣三

嘉祥縣 鉅野縣 鄆城縣

東平州 屬縣五

汶上縣 東阿縣 平陰縣 陽穀縣 壽張縣

曹州 屬縣二

曹縣 定陶縣

沂州 屬縣二

鄒城縣 費縣

東昌府 屬州二 縣十六

聊城縣 附郭 堂邑縣 博平縣 茌平縣 莘縣 清平縣 冠縣

臨清州 屬縣二

邱縣 館陶縣

高唐州 屬縣三

恩縣 夏津縣 武城縣

濮州 屬縣三

范縣 觀城縣 朝城縣

青州府 屬州一 縣十三

益都縣

附郭

臨淄縣

博興縣

高苑縣

樂安縣

壽光縣

昌樂縣

臨朐縣

安邱縣

諸城縣

蒙陰縣

莒州

屬縣二

沂水縣

日照縣

萊州府

屬州二

縣五

掖縣

附郭

平度州

屬縣二

濰縣

昌邑縣

膠州

屬縣二

高密縣

卽墨縣

登州府

屬州一

縣七

蓬萊縣

附郭

黃縣

福山縣

棲霞縣

招遠縣

萊陽縣

寧海州

屬縣一

文登縣

遼東都指揮使司

屬衛二十五 州二

定遼中衛

附郭又有定遼左右前後四衛及東甯衛自在州俱在郭內

海州衛

蓋州衛

復州衛

金州衛

廣甯衛

又有中左右三衛俱在郭內

義州衛

又廣甯後屯衛在郭內

廣甯中屯衛

又廣甯左屯衛亦在郭內

廣甯右屯衛

廣甯前屯衛

甯遠衛

瀋陽中衛

鐵嶺衛

三萬衛

又遼海衛及安樂州俱在郭內羈縻屬部附見

東據海 海自登萊以南接南直安東所界環遼而北接遼東朝鮮之境又西至濟南府濱州東北而北接直

隸鹽山縣界凡千餘里

南距淮 自沂沭以南古所稱淮北地也

西接梁宋 今河南開封歸德府境即古梁宋地

北走燕趙 山東去京畿密邇水陸往來皆取途於此遠至浙閩近自江淮皆以山東爲走集之衝也

其名山則有泰山 泰山在濟南府泰安州北五里亦曰東岳亦曰岱宗殫典歲二月東巡狩至於岱宗詩泰

山巖巖魯邦所瞻周職方兗州其山鎮曰岱山孟子孔子登太山而小天下管子曰古者封泰山禪梁父者

七十二家戰國策蘇秦說齊宣王齊南有泰山東有琅邪史記昔黃帝東至於海登岱宗又齊世家齊自泰

山屬之琅邪北被於海膏壤二千里貨殖傳泰山其陽則魯其陰則齊山之東北陞舊有明堂爲成周時朝

會諸侯之處秦漢以下言封禪者必於泰山秦始皇二十八年至泰山下議封禪遂除車道上自泰山陽至

顛立石頌德從陰道下禪於梁父漢元封初封泰山山下陰道禪泰山下陞東北嶽然山乃議以五載一巡狩

用事泰山令諸侯各治邸泰山下明年復祠泰山五年南巡狩還至泰山增封又大初元年行幸泰山禪蒿

里二年修封泰山禪石闕天漢二年行幸泰山修封太始四年幸泰山修封禪石闕征和四年復幸泰山修

封亦禪石閭從來封禪之數未有如漢武者也後漢建武中元元年東巡封泰山禪祭地於梁陰

梁父山章之陰也

帝元和二年幸泰山柴告岱宗安帝延光三年東巡幸泰山桓帝延熹四年岱山頽裂自是天下漸多故矣

通義曰王者受命易姓報功告成必於岱宗白虎通曰王者受命必封禪封增高也禪廣厚也天以高爲尊

地以厚爲德故增泰山之高以報天禪梁父之址以報地

史稱無懷伏羲神農炎帝黃帝顓頊帝嚳堯舜皆封泰山禪云云禹封泰山禪會稽周成王封泰山

禪社首秦始皇封泰山禪梁甫漢武封泰山漢官儀泰山盤道屈曲而上凡五十餘盤經小天門大天門仰

視如從穴中視天窗矣自下至古封禪處凡四十里

泰山記山有秦觀望見長安吳觀望見會稽周觀望見齊黃河去泰山二百餘里於祠所瞻黃河如帶若在山

趾蓋侈言之也又周觀亦曰日觀相傳鷄鳴時可見日出吳觀亦曰越觀又名月觀以與日觀相對也與秦觀爲泰山三峯云隋開皇十五年東巡頓齊州爲壇於泰山柴

燎祀天禮如南郊大業九年齊郡丞張須陁擊羣賊王簿於泰山下大破之唐乾封元年登泰山封玉牒禪

於社首又開元十三年封泰山祀昊天上帝於山上羣臣祀五帝百神於山下之壇又祭皇地祇於社首宋

大中祥符元年封泰山亦禪於社首

宋史時王欽若判兗州上言泰山醴泉出錫山蒼龍現又木工董祚於泰山醴泉北見黃帛曳林木上旣而帝至泰山登山道經險峻降輦步

進鹵簿儀衛列於山下享昊天上帝於圓臺陳天書於左以太祖太宗配命羣臣享五方

唐六典河南道名

帝及諸神於山下封祀壇明旦禪祭皇地祇於社首山如封祀儀改乾封縣爲奉符縣

里郭璞云從泰山下至山頭百四十八里三百步一云泰山周回二千

山曰泰山山周百六十里高四十餘里

輿之說今

羣峯之得名者望秦獨秀雞籠老鴉獅子蓮花懸石而丈人峯在山頂特出羣峯之表又有百丈

馬棚鵲鶴捨身諸崖石經石壁鄆都桃花佛寺鬼兒椒子馬蹄溪里諸峪迴馬鴈飛黃峴思鄉青峯西橫諸

嶺迎陽呂公白雲遙觀蝙蝠鬼僊水簾諸洞玉女王母白鶴白龍諸池又有明月嶂登僊臺及東西南三天

門東西中三溪爲山之最勝其餘峯巒谿洞層見疊出不可勝數也自嶽頂而東南二十里曰鵬窠山西南

十里曰亭禪山亦曰嵩山南五十餘里曰石閭山又南五里曰亭亭山東六十里曰梁父山又東曰云云山

志云嶽頂東南十里有東神雲山下有東溪神廟西南十里有西神雲山下有西溪神廟又西十里曰石後山三尖山其在嶽陰者又有孤山嶺山鶴山相去各十里雖隨地異名實皆泰山

之支峯別阜也永樂十四年祠祭郎中周訥請封泰山不許魏氏曰自成阜以東歷梁宋曹鄆諸州幾千餘里大抵經途沃野無

大山重阻而泰山忽焉特起博厚崇隆拱衛南北自此羣山翼帶直抵海濱爲天下之奧區神臯形勝直與

關中並峙五嶽爲羣山之尊而泰山又爲五嶽之長不信然歟災異志漢元鳳三年泰山大石起立說者以爲宣帝特起民間之象明朝成化二十一年

泰山屢震說者謂應在武宗也

琅邪 琅邪山在青州府諸城縣東南百四十里其山三面皆浸於海惟西南通陸山海經琅邪臺在勃海間琅邪之東是也管子

齊桓公將東遊南至琅邪孟子齊景公問晏子欲放於琅邪竹書越王句踐二十九年徙都琅邪越絕書句

踐既滅吳欲霸中國徙都琅邪立觀臺於山上周七里以望東海今山在海濱蓋築以望遠耳國策蘇秦說齊宣王齊南

有泰山東有琅邪史記始皇二十八年南登琅邪大樂之畱三月乃徙黔首三萬戶琅邪臺下復十二歲作

琅邪臺立石刻頌秦德又三十七年從會稽還過吳並海上北至琅邪之罍漢初田肯曰齊東有琅邪卽墨

之饒南有泰山之固武帝元封五年東巡北至琅邪並海太始三年幸琅邪封禪書八祀曰四時主祠琅邪

子虛賦齊東階鉅海南有琅邪是也郭璞曰琅邪臨海有山嶠曉特起狀如高臺卽琅邪臺也戰國時齊築長城以拒楚自琅邪臺入海卽其地矣

沂山 沂山在青州府臨朐縣南百二十五里周職方青州其山鎮曰沂山一名東泰山史記封禪書公玉帶言黃帝封東泰山禪丸山天子旣令設祠具至東泰山山卑小不稱其費乃令禮官祠之而不封禪魏文帝亦嘗致祠焉隋開皇十四年詔以沂山爲東鎮後代因之載在祀典志云山西宗岱嶽東俯琅邪背負鳳凰嶺東接穆陵關其巔爲百丈崖壁立萬仞形如斧削有飛泉下灑曰瀑布泉瀾水出其西麓又沂水亦出其西沭水出其東也水經注汶水出朱虛縣之泰山山上有長城西接岱山東連琅邪千有餘里蓋田氏所遺也

其大川則有濟水 濟水舊自河南流入境其上源曰沅水禹貢導沅水東流爲濟又曰浮於濟漯達於河職

方袁州川曰河濟春秋時濟水經曹衛齊魯之界莊三十年公及齊侯遇於魯濟杜氏曰濟水歷齊魯間在齊界爲齊濟在魯界爲魯濟也又僖三十一年取濟西田分曹地也襄十一年晉率諸侯伐齊會於魯濟定九年齊與衛地自濟以西濟之見於春秋者不一處矣戰國策蘇秦說齊宣王齊西有清河北有勃海所謂清河卽濟水也又燕王謂蘇代曰齊有清濟濁河可以爲固長城鉅防足以爲塞史記齊湣王四十年樂毅并護趙楚韓魏燕之兵以伐齊戰於濟西齊師大敗遂入臨淄漢志濟水過郡九

河東河內陳留梁國濟陰泰山濟南齊郡千乘也

行千八百四十里

淮南子濟水通和宜麥

水經濟水出河東垣縣王屋山其下流東北入海

舊志濟水自河南鞏縣南入河並流過成臯縣陽溢

爲樂東過楊武封邱縣北又東過宛句定陶南又東北流與荷水合東至乘氏西分爲二其一東北入鉅野澤過壽張西合汶水其一合荷水東南流入泗故泗水亦有南清河之稱今詳見曹州鄆道元曰

王莽之世川瀆枯竭濟水便入於河不復絕流而南其餘流自東平以東北者皆謂之清水晉太和四年桓

溫自兗州伐燕至金鄉鑿鉅野三百里導汶水會於清水溫引舟師自清入河郗超曰清水入河難以通運

若寇不戰運道又絕因敵爲資復無所得此危道也溫不聽敗還

劉氏曰時清水入河亦即在礪礪東阿間非禹貢浮汶達濟之道也

義熙十

三年劉裕伐秦將水軍自淮泗入清河沂河西上宋元嘉七年到彥之取河南與魏人戰不克乃沿河置守

還保東平復引兵自清入濟南至歷城

此誤以鉅野北出者爲清水汶水合流者爲濟水也郭緣生述征記亦云清河首受洪水北流入濟洪水亦鉅野澤之分流一名桓公瀆

詳見鉅野縣

八年檀道濟自清水救滑臺至濟上轉戰至歷城二十三年魏人寇青兗冀三州至清東而還

陽兗治須昌冀治歷城皆在清水東也

唐六典河南大川曰濟水杜佑曰濟水絕流已久今自東平以東北入海者實荷澤汶

水之合流耳宋樂史曰東平濟南淄川北海界中有水流入海謂之清河王應麟曰濟水通得清水之名以

水道清深也

宋史李師中知濟兗二州濟河壅塞久師中訪古道自兗城西南啓鑿之功未半而去

今大清河自汶上縣北出

其上游會東南諸山泉溝澤之水與會通河合

流至東平州西安山牐

舊時濟流經此始與汶合今並注於南旺湖合流而北出

又西北與運河分流經東阿縣西復折而東北逕東阿

縣北又東逕平陰縣北又東北逕長清縣北齊河縣東又北逕歷城縣北而東北會於灤水

即小清河又北經臨

邑縣東又東北逕濟陽縣南又北逕齊東縣北又東北逕武定州南又東逕青城縣北及濱州之南又東北

逕蒲臺縣北至高苑縣北又北逕利津縣東而東北入於海繇安山牖而下皆謂之大清河近志元人始於

甯陽縣北築堤城壩遏汶水入洸以通運河永樂中又於東平州東築戴村壩盡遏汶水入會通河今之大

清河乃自平陰縣南之柳溝諸泉繇東平州北門外過西折而東北夏秋運河泛漲則張秋迤南東岸

平鎮見東阿縣有減水閘分流來合而東北出此卽今鹽運所經鹽船自灤口故關由大清河而上泊於魚山又南

名卽濟水之故道說者謂大清河古濟而今汶者也舊志濟水勁疾故穴地伏流郭緣生述征記濟水入河

是流水濟所過也東阿之井正濟所溢清而且重善下故阿膠能治淤濁逆上之痢唐高宗嘗問許敬宗濟水甚細何以列於四瀆對曰瀆之言獨也

不因餘水獨能赴海者也夫濟流雖與古異然今東平歷下諸泉皆入大清河則仍爲濟水溢流不得全謂

之汶水矣于慎行曰大清第得汶之首尾實以東平諸泉由濟故瀆入海又小清河一名灤水源出濟南府城西南酌突泉水經注灤水出

歷城故城西南泉源上湧若輪是也合馬跑金線諸泉並城北流屈而東至城北水門大明湖水出注之東

北經華不注山合華泉又東北入大清河僞齊劉豫始導之東行至韓家店西分一支爲小清河逕章邱縣

及鄒平縣北又東逕長山縣東北及新城縣北會孝婦河又東逕高苑縣及博興縣南又東逕樂安縣北至

馬車瀆入海屈曲行幾五百里自歷下以東之水昔入濟者並入小清河近年河漸淤其水復由東北入大

清河矣蓋灤水亦卽濟水之伏流旁出者與大清河雖分二流而脈絡正同也今見川瀆異同

元五行志至正二年濟南

山水暴漲衝東西二關流入小清河又黑水天麻石國等寨及臥龍山水通流入大清河漂沒上下民居千餘家云

汶水 汶水出濟南府泰安州萊蕪縣東北七十二里原山之南水經所謂北汶也又有汶水出縣東南寨子

村俱流經州東南徠山陽又一源出嶽北仙臺嶺嶺會諸山谷之水經州東四十里曰壘汶西南流經徠

徠之陰又南流三十里曰大汶口而與萊蕪之汶水合流又有小汶水在新泰縣東北三十里出泰山之龍池西南流百餘里亦合汶水自州西南

流經甯陽縣北堰城壩分二流其正流西經平陰縣南過東平州界又西南流至汶上縣東北合白馬河鵝

河諸水凡八十里入南旺湖南北分流爲分水閘卽今會通河也支流爲洸河自甯陽縣西南流達兗州府

城西合沂泗二水凡百餘里至濟甯州南天井關東而合於分水南流之汶亦卽運道所經也運河記汶水

自泰安州經甯陽汶上縣界又西至東平州注濟水此故道也元憲宗七年濟倅畢輔國始於汶陰堰城之

左作斗門一遏汶南流至任城合泗水以餉宿蘄戍邊之衆謂之引汶入泗而汶始南通於泗至元間以江

淮水運不通自任城開渠達於須城安山爲一牐於奉符卽堰城牐時甯陽縣廢其地屬奉符縣也以導汶入洸爲一牐於兗州

今府城東金口牐是也以導泗沂會洸合而至會源牐南北分流二十六年又用壽張尹韓仲暉言復自安山西開河

繇壽張西北屬衛漳謂之引汶絕濟而汶始北通於漳明朝永樂九年時以北京爲行在濟甯州同知潘叔

正言故會通河四百五十餘里其淤者三之一可濬之以通漕乃命廷臣宋禮等往治築壩於東平州之戴

村橫亘五里遏汶水西南流令盡出於南旺見汶上縣至分水龍王廟分爲二支四分南流以接徐沛六分北流

以接臨清蓋運河之原委全藉汶河也禹貢浮於汶達於濟詩汶水湯湯史記河渠書泰山下引汶水穿渠

溉田萬餘頃汶水之爲大川繇來舊矣

會通河 會通河在兗州府濟甯州城南元至元中所開也志云蒙古初於堽城見作斗門以遏汶流益泗漕

而漕渠始開既而濬濟州泗河至新開河繇大清利津諸河入海未幾以海口沙壅復從東阿陸輓至臨清

入御河時又開膠萊新河

見平度州

以通海道勞費少成效至元中伯顏始創海運與濟州河並行尋用韓仲暉

等言自安民山

見東平州即安山牐

開河北抵臨清引汶絕濟直屬漳衛名會通河元臣宋文瓚言世祖開會通河千

有餘里歲運漕粟至京者五百萬石然河渠易於淺澀不能負重其後漸減至數十萬石於是海運不能

廢明初餉北平遼東亦仍用海運永樂九年濬故道自濟甯北至臨清凡三百八十五里南至江南沛縣凡

三百里而南旺湖地勢特高於是相地置牐以時啟閉自分水北至臨清地降九十尺爲牐十有七而達漳

衛南至沽頭

見沛縣

地降百有十六尺爲牐二十有一而達河淮歲漕四百餘萬石皆取道焉誠咽喉重地矣

漕河攷會通河凡七百里入衛河又四百里始出境達京師山東爲府者三爲州者四爲縣者六由魚臺

至臨清得洸汶泗沂四水其泉百七十餘會於四水而分流於漕渠爲牐百二十爲淺二百有二十皆有司

分掌之而統於

議者曰運河以汶水爲源然汶水之西全出人力而南旺土脈特高水非由地勢難久安盡

括泉源千里焦爍頻年修濬勞費不訾民力窮而國計亦病矣今詳見川瀆漕河

海

海在山東東北境者皆謂之勃海

亦曰渤海

蘇秦曰齊北有勃海田肯曰西有濁河之限北有勃海之利又謂

之少海韓非子齊景公遊於少海少海猶云小海也書疏青州之境越海而有遼東又云青州東北據海蓋